

佛說優填

王籍經



八十七  
衣一

47644



佛

佛  
日  
增  
輝  
佛  
轉  
常  
轉

山城州天安寺法金剛院置

皇  
圖  
聖  
圖  
帝  
贊  
銀  
昌

蘇州府西子二月日



佛說優填王經

晉釋法炬譯



衣

聞如是一時佛在拘深國國王号曰優填拘  
 深國有逝心名摩回提生女端正華色世間  
 少雙父覩女容一國希有名曰無比隣國諸  
 王群寮豪姓靡不娉焉父答曰若有君子容  
 與女齊吾其應之佛時行在其國逝心覩佛  
 三十二相八十種好身色紫金巍巍堂堂光  
 儀無上心喜而曰吾女獲匹歸語其妻曰吾  
 為無比得婿促莊飾女將往也夫妻共服飾  
 其女步搖華光珠璣瓔珞莊飾光國夫妻共  
 將女至佛所妻道見佛跡相好之文光綵之



色非世所有知爲天尊謂其夫曰此人足跡  
文理乃尔非世所聞斯將非凡必自清淨無  
復媿欲將不取吾女無自辱也夫曰何以知  
其然妻因說偈言

恚者操指步

愚者足躡地

斯跡天人尊

逝心曰非尔女人所知汝不樂者便自還歸

乃自將女往詣佛所稽首佛足白佛言大人  
勤勞教授身無供養有是鹿女願給箕箒佛  
言汝以女爲好耶荅曰生得此女顏容實好  
世間無雙諸國王豪姓多有求者不以應之  
竊見大人光色巍巍非世所見貪得供養故  
宜自歸耳佛言此女之好爲著何許逝心曰

從頭至足周徧觀之無不好也佛言惑哉肉  
眼吾觀之從頭至足無一好耶若頭上有髮  
但是毛象馬之尾亦皆介也髮下有髑髏但  
是骨屠家豬頭骨亦介也頭中有腦者如泥  
腥臊逆鼻下之著地莫能蹈者目者是胞決  
之純汁鼻中有涕口但有唾腹藏肝肺皆亦  
腥臊腸胃膀胱但成屎尿腐臭難論腹爲幃  
囊裏諸不淨四支手足骨骨相柱筋連皮韜  
但恃氣息以動作之譬若木人機關作之既  
畢解剥其體節節相離手足狼籍人亦如是  
有何等好而去少雙昔者吾在貝多樹下第  
六魔天王莊飾三女顏容華色天中無比非

徒此倫欲以壞吾道意我為說身中穢惡即  
皆化成老母形壞不復慚愧而去今是屎囊  
欲何所戀急將還去吾不取也逝心聞佛所  
說忽然慚耻無辭復言又白佛言若仁不取  
者更以妻優填王可乎不佛不荅焉逝心即  
送女與優填王王獲女大悅拜父為太傅為  
女與宮伎樂千人以給侍之王正后師事佛  
得須陀洹道此女諧之於王王惑其言以百  
箭射其后后見箭不懼都無恚怒一意念佛  
慈心長跪向王箭前皆繞后三匝還任王前百  
箭前皆令王乃自驚駭悵然而懼即駕白象金車  
馳詣佛所未到下車僻從步進稽首佛足長

跪自陳曰吾有重咎在三尊所以彼姪媛從  
欲興邪於佛聖衆每一惡念以箭百枚射佛  
弟子如事陳之覩之心懼惟佛至真無量之  
慈白衣弟子慈力乃今豈況無上正真佛乎  
我今首過歸命三尊惟佛弘慈原赦其各佛  
笑曰善哉王覺惡悔過此明人行也吾受王  
善意王稽首如是至三佛亦三受之王又頭  
面著地退就坐曰稟氣凶頑忿戾自恣無忍  
辱心三毒不除惡行快意順女媛邪不知其  
惡自惟壽終必入地獄願佛加哀廣說女惡  
魑魅之態入其羅網能自拔吾聞其禍必  
以自戒國民巨細得以改操佛言用此為問

且說餘義王曰餘事異日說之不晚女亂惑  
意凶禍之大不聞其禍何緣遠之願佛具為  
吾釋地獄之變及女人之穢佛言具聽男子  
有姪之惡却覩女媛王曰善願受明教佛言  
具聽男子有四惡急所當知世有姪夫恒想  
覩女思聞媛聲遠捨正法疑真信邪媛綱所  
纏沒在盲冥為欲所使如奴畏主貪樂女色  
不覺九孔惡露之臭穢渾沌欲中如豬處溷  
不覺其臭快以為安不計後當在無擇之獄  
受痛無極注心在姪妹其涕唾翫其膿血珍  
之如玉甘之如蜜故曰欲態之士此為一惡  
態也又親之養子懷妊生育稚得長大勤苦



難論到子成人擢家竭財膝行肘步因媒表  
情致彼為妻若在異域尋而追之不問遠近  
不避勤苦注意在姪捐忘親老既得為妻貴  
之如寶欲私相娛樂惡見父母信其姪言或  
致鬪訟不惟身所從生辜親無量之恩斯謂  
二惡態也又人處世勤苦疲勞躬自致財本

有誠信敬道之意尊戴沙門梵志之心覺世  
非常布施為福取妻之後情感姪欲愚蔽自  
擁背真向邪專由女色若有布施之意雖欲  
發言相呼女色絕清淨行更成小人不識佛  
經之重誠禍福之歸苟為姪色投身羅網必  
墮惡道終而不改斯謂三惡態也又為人子

不惟養恩治生致財不以養親但以東西廣  
求姪路懷持寶物招人婦女或教六畜姪祀  
鬼神飲酒歌儻合會之後互求方便更相招  
呼以遂姪情及其獲偶喜無以喻姪結縛著  
無所復識當尔之時惟此為樂不覺惡露之  
臭穢地獄之苦痛一則可笑二則可畏譬告

狂笑不知其非斯謂四惡態也佛言男子有  
是四惡用墮三塗當審遠此能免苦耳復聽  
說女人之惡佛便說偈言 已為欲所使

放意不能安 習施於非法 將何以為賢  
欲為畜生行 以欲還自殃 溷蟲在臭中  
不知為處難 如蟲在冥中 不知東以西

結著於姪欲

惡此亦蟲論

姪既不見道

日夜種罪根

現世君臣亂

上下為迷惑

王法為錯亂

正法為迷樊

農夫捨常業

賈人為珍連

現世更牢獄

死復入太山

當受百種毒

其痛難可當

洋銅灌其口

山連竿其身

此輩有百數

難可一一陳

常在三惡道

宛轉如車輪

若世時有佛

而已不得聞

女人最為惡

難與為因緣

恩愛一縛著

牽人入罪門

女人何為好

但是屎尿囊

何不諦係視

為此而狂荒

其內甚臭穢

外為嚴飾容

家有含毒蠍

劇如馳以龍

譬若錦韜牟

羅縠裹鋒釦

愚者覩其表  
癡者致死傷  
覩新即厭故  
笑為荆以棘  
癡人貪其味  
以和甘露漿  
亦如薪得火  
是為最非祥  
絕欲以求道  
癡人情不絕  
人本清淨種  
著網不得還

翫之以自殃  
婬欲亦如是  
所樂亦無常  
內懷臭穢毒  
不惟後受殃  
所向無不壞  
草木被重霜  
女毒甚於是  
故有婬欲情  
羅網四面張  
如魚處深淵  
欲網甚於是

智者覺而捨  
抱刃以自喪  
言為刀斧截  
飾外以華香  
譬若沉毒藥  
飲之皆仆僵  
覩表不計裏  
草乃見形傷  
其形甚易見  
去道如絲髮  
智者乃自覺  
結縛甚欲堅

投身冒荆棘

可得脫其身

譬若飢獫猴

望見熟甘果

專心投色欲

是輩百向墮

亦如魚食鈎

飛蛾入燈火

愚者見歡喜

不遣後受禍

佛說如是優填王歡喜即以頭面著地白佛

言實從生已來不聞女人之惡乃余男子勃

亂隨之墮罪但不知故不斷心意從今已後

終身自悔歸命三尊不敢復犯為佛作禮


喜而去

佛說優填王經

衣



伏地而躬躬字躬術音眩縣合作也笮音壓詐音擊繫音諧蠟  
 行也也許音謁及蠶尾虫劇加音逆及韜音矛上同前也穀  
 今之入藥者是劇加音逆及韜音矛上同前也穀  
 胡谷鋒銚二字音峯芒也斧音荊音什音僵音蒲上  
 及下音姜洲鳥玄胃莫報勃音蒲沒  
 北及下音姜洲鳥玄胃莫報勃蒲沒  
 倒日什仰日僵洲鳥玄胃莫報勃蒲沒



猪飼頌良壽附

